



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 38. Guaicuræorum regio ab Societate aditur.

**urn:nbn:de:hbz:466:1-38528**

Magnatum  
experimen-  
ta.Ducum re-  
verentia.

Bellū modū.

Damna ab  
Guaicurau  
illata.CAPUT  
XXXVIII.  
Guaicurao-  
rum regiō  
ab Societa-  
te aditur.Rochus Gon-  
salvius &  
Vincentius  
Griffius mis-  
sionis presuntDidacus  
Torres  
utrumque  
animat.Utriusque  
pericula.

cæteros corporis pilos evellunt; faciem factis cicatricibus discriminant; fortitudinem majori minori deformatite metentes. Præcipuum gentis oblectamentum ebrietas & militia est. Porrò per crudelissima experimenta nomen dignitatemque militum adipiscuntur. Nam cum titulum ambientes robustum suum immanissimum tormentorum patientiam, suras, crura, lingam, ac alias corporis partes sagittâ terebrando, aliis probent necesse est: tantillo gestu aut quiritatu dolorem inter tormenta testantes ab honore exclusuntur: Quem ut securius nanciscantur, etiam infantes spinis aculeisque sua membra transfigere, inter ludicra exercitia habent. Pueritiam & adolescentiam cursu, laboribus ac præliorum imitamentis indurant: Ducem suum, supra morem cæterorum Barbarorum, insolitus prosequuntur obsequiis: ejus sputa manuum palmis excipiunt, comedentem stantes circumstant, nutus omnes observant, viatrum obstacula amovent. Bellorum apud eos est frequens causa ebrietas, aut rabiem satiandi libido. Cum Chiriguani, Abiponibus, Frontonibus, & aliis motum similitudine agnatis populis, continua exerceant prælia. Ex bello captis adulstos omnes mactant venduntque, imbellem ætatem suis moribus assuefaciunt. Atras ad pugnam noctes amant, imperu tantum validi, cæteratim cuneatimque resistere indocti. Noctu illato damno ad sua laribula per fœdissimas paludes & arundineta uni ab aliis sejuneti, tygridum instar, se recipiunt. Eâ arte, ac excubiarum frequentia, per integrum fermè sæculum Hispanis non tantum restitire, sed etiam multas clades sine notabili suorum diminutione, avitas superstitiones conservantes, intulere. Assumptionis urbem jam inde ab suâ fundatione cædibus & latrociniis fœdavere, villasque & suburbanâ loca innumeris insultibus attrivere. Ferdinandi Ariæ Prætoris sororem, & complutes alias Hispanas mulieres, in fœdam captivitatem abegere. Infinita denique damna fermè indemnes, æquè in pace ac in bello timendi, fecerè. Gentis impunem ferociam juvabanc terra uliginosa humilitas, & occurrentia passim flumina vadis impervia, densissimorumque nemorum & arundinetorum latebræ, inque humido solo ardente præsertim sole disformes anguium formæ.

**Q**UAMVIS ergo Guaicuræ solo flumine Paraquario ab Assumptionis urbe arcerentur, ob gentis & locorum conditionem, nullus hæc tenus Sacerdos Evangelii ergo ad eos ititarat, donec Didaci Torres Provincialis animo insedit ardor intactam Provinciam tentatidi. Et quia veteranorum Sociorum copia non suffpetebat, Rochum Gonsalvum, clarissimum postea Provincia nostræ decus, quem ante initam Societatem Episcopus Paraquariensis in Vicarium suum designaverat, Provincialis elegit; præstatab enim veteranis omni genere virtutum & rerum experientia semestris tyro. Huic additus est Vincentius Griffius, Italus Sacerdos, quos Didacus Torres sic affatus fertur: *Videtis, inquit, quām Deus vos amat, qui utrumque præclarissimis periculis objicit. Tu, Roche, id in tyrocinio, & Tu Vincenti, non admodum senex obtines, quod Veteranitatis votis ambiant, nec impetrant. Videte, ne vano timore corrumpatis spem de vobis conceptam. Videte, inquam, ut egregio facinore novellam hanc Provinciam decoratis.* Sic breviter animatos cum potestate publica oppidum fundandi (nam cum Magistratibus egerat) ad Guaicuræ amandat. Prætor propinquâ affinitate cum Rocho conjunctus, frequensque nobilitas & Magistratus, quamvis utrique Socio denunciarent haud dubia vita discriminâ in regione pestilenti: tamen sperantes, eorum autoritate, infestissimæ gentis furorum aliquando refranatum iri, in immensum Societatis Institutum laudabant, spondebantque (quod & fecere) ad Regem Catholicum litteras honorarias se missuras, postulantes, ut egregium facinus dignâ estimatione compensaretur. Transmisso Paraquario, Socii per uliginosa loca tridui iter emensi sunt, quorum adventus ubi per excubidores Guaicuræs innotuit, dici vix potest quantum turbarum excitum est; plerisque Barbarorum in utrumque tanquam in exploratores, ac hostium suorum præcursores, involare volentibus. Sed cum Socii deliberatâ morte fortes per interprætem nunciascent, se non nisi pacis & veri Dei prædicandi ergo venisse, præ-

ter

ter spem Dux Barbarorum populares suos à violentia arcuit, & postquam exploratum est nullas detegi Hispanorum insidias, in comitatum induxit. Obstat ab egregiis principiis inscrita lingua: nam per interpretem Indum obscura per se nostrae Religionis rudimenta obtusissimis ingenii explanare difficile erat; quare diu noctuque calamo excipiebat interpretis verba, ut facilius memoria commendarent. Quæ res suspicionem proditoris movit, tanquam si Patres situm terrarum, vires ac armis, modumque invadendi, Hispanos per has litteras docere vellent. De his itaque maestis iterum egere; patrassentque scelus, ni Rochus Gonsalvius è charta reci-  
taisset Guaicurorum lingua prima nostræ Fidei documenta; quæ adeò placuere Barbaris, novitate attonitis, ut Dux casam ex storeis erigi Sociis juberet, sive Religio-  
ni Christianæ utcumque conciliatum ostenderet. Nec parum juvit ad authoritatem Rochi Gonsalvii Barbaris nota nobilitas, quem primum Magistratum inter Ecclesiasticos nuper gessisse non ignorabant. Igitur altera occasione, authoritate tanti  
viti refracti, violentas manus ab eo abstinuerunt.

**M**ENSE integro in conciliandis Barbaris posito, de condendo fixo stabiliisque Oppido actum est; nam satis apparebat gentem vagam nec regi posse, nec instrui. In quam rem Barbari, ut sunt ad novitatem alacres, non difficulter con-  
cessere. Quin ipse Dux fide publica cum Rocho Gonsalvio in urbem se conferens, immenso gaudio Didacum Torres Provincialem, expeditionis authorem, falso ne-  
cis illatae Sociis rumore perterritum, affecit, inque eam sententiam traxit, ut nullo Hispanorum comitatu secum ad designatum oppidi locum pergeret. Eò igitur Provincialis, in corio concavo flumina transmittens, & per paludosâ loca Guaicu-  
ræorum humeris delatus, confidentiâ munificentiaque eorum animos ita Societati devinxit, ut post eus discessum, ex vagis sedibus, in speciem mansuri oppidi, storeas suas multiplici sedulitate Barbari erigerent. Inter quos uterque Socius toto anno tam multis tamque variis distentis sunt curis, ut eorum in laboribus patientia pene fidem excedat. Vixit; si venenosa animalia excipias, nihil à Barbaro diffe-  
rebat. Domus ex storea & luto vix quincubitalis, culicum diu noctuque perrinax infestatio; aër in paludosâ solo pestilens, aquæ dulcis inopia, tygridum viperatumque frequentia. Accedebat inexplicabilis feitor, quem ex uncis putridâ piscium pinguedine corporibus exhalabant. Sed intollerabilior in vitiis inveteratio erat pertinaciter pristinas furias redintegrantium. Noctes horrificabant ebriorum ululatus intercalari silentio horribiles. Dies foedabant ceremoniarum infernarum & propatulae Veneris spectacula. Inter quas spinas castum par apum sub storea luto illita (nam alia domus non erat) tanquam sub alveari elaborabat per preces & studia lingue mel generosa probitatis. Donec, improbo labore, pauca Guaicuræorum verba tertiant. Tum demum frequentem concionem cogere, ad remota loca pergere, latebras excutere, parvulos instruere, Barbaros mores carpere, Christianos laudare; quod per verba nequibant, gestibus & vultu facere; omnes denique Apostolicorum virorum partes pro lingua modulo implere. Sed surdis plerumque canebatur, obfirmatis contra sanam doctrinam animis. Relatum tamen aliquod operæ pretium, Ducis filiâ ac infantibus plurimis ante mortem expiatis: obtentumque ne vellent impostorum mortuorum inferias, pro more gentis, mastatione carorum celebrare. Grassata deinde pestis aquæ corporibus noxia ac animis utilis fuit: nam Socii rati facilius animos conciliari posse, si corporibus inservirent, in omnem partem diu noctuque se versabant. Chirurgorum penuriam ipsi per se supplebant: lignatum aquatumque ibant, venam laxabant, cibos ori ingerebant, suis lodicibus ulcerosos involvebant: iisdemque lodicibus sanie infectis Griffius ipse uti deinde non abhorrebat. Tantâ quotundam ægrotum approbatione atque exempli efficacia, ut quinquaginta adulta capita ante mortem Baptismum admiserint. Atque hi sunt primi labores; & quasi tentamenta Martyrii Rochi Gonsalvii, in tyrocinio ostendentis qualia facinora veteranus miles aliquando editurus esset. Fama est, tanquam certæ rei, in

Ambo in co-  
munitatum ad-  
missionur.

CAPUT  
XXXIX.  
Societas se-  
dem apud  
Guaicuræos  
ponit.

Didacus  
Torres Gua-  
icuræos adit.

Sociorū  
laboris.

Guaicuræo-  
rum deba-  
chionis.

Socii Barba-  
ros docent.

Exiguæ fru-  
tæ.

Pestis.

Rochus Gon-  
salvius &  
Griffius lau-  
dantur.

Vincentii